



Broj: 11-11-2-2981/25

Datum: 15.12.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovine („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U
o poništenju postupka javne nabavke
„Rekreaciona oprema – ronilačka, alpinistička i skijaška oprema“,
za LOT 2 – alpinistička oprema

I.

Prihvata se prijedlog Komisije za provođenje konkurentskih i pregovaračkih postupaka nabavke, te se van snage stavlja Odluka o izboru najpovoljnijeg ponuđača u predmetu javne nabavke „Rekreaciona oprema – ronilačka, alpinistička i skijaška oprema“, za LOT 2 – alpinistička oprema, broj: 11-11-2-2981/25 od 28.10.2025. godine i broj: 11-11-2-2981/25 od 04.12.2025. godine, i postupak se poništava.

II.

Za izvršenje odluke zadužuje se Sektor za finansije i javne nabavke Federalne uprave policije.

III.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Rekreaciona oprema – ronilačka, alpinistička i skijaška oprema“, za LOT 2 – alpinistička oprema, broj Obavještenja o javnoj nabavci: 1412-7-1-258-3-160/25 od 15.09. 2025. godine.

Javna nabavka je provedena putem konkurentskog zahtjeva za dostavljanje ponuda. Procijenjena ukupna vrijednost nabavke iznosi 29.230,76 KM bez PDV-a, a za LOT 2 - alpinistička oprema - vrijednost nabavke iznosi 9.784,10 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača, o čemu je sačinjen odgovarajući zapisnik u kojem je utvrđeno da su zaprimljene dvije (2) blagovremene ponude, i to od ponuđača „ABC SPORTING“ d.o.o. Banja Luka i „AQUA BALKAN“ d.o.o. Konjic, te da nije bilo neblagovremeno zaprimljenih ponuda.

S obzirom da je tenderskom dokumentacijom predviđeno provođenje e-Aukcije, Komisija je aktom, broj: 11-11-2-2981/25 od 14.10.2025. godine, Sektoru za finansije i javne nabavke dostavila listu svih ponuđača u svrhu provođenja iste.

Od strane Sektora za finansije i javne nabavke je aktom, broj: 11-19/2-11-2-2981/25 od 20.10.2025 godine, dostavljen Izvještaj o toku i završetku e-Aukcije na osnovu kojeg je utvrđeno da je nakon provedene e-Aukcije, a u skladu sa kriterijumom za dodjelu ugovora - najniža cijena, najpovoljniji ponuđač „ABC SPORTING“ d.o.o. Banja Luka, čija cijena ponude iznosi 6.850,00 KM bez PDV-a. Shodno tome, Komisija je ugovornom organu dala preporuku da se za predmetni postupak javne nabavke ugovor dodijeli ponuđaču „ABC SPORTING“ d.o.o. Banja Luka (čija cijena ponude iznosi 6.850,00 KM bez PDV-a).

Na osnovu preporuke Komisije, donesena je Odluka o izboru najpovoljnijeg ponuđača u postupku javne nabavke „Rekreaciona oprema – ronilačka, alpinistička i skijaška oprema“, za LOT 2 – alpinistička oprema, broj: 11-11-2-2981/25 od 28.10.2025. godine, kojom je ugovor za navedenu nabavku dodijeljen ponuđaču „ABC SPORTING“ d.o.o. Banja Luka, u skladu sa članom 69. stav (1) tačka a) Zakona o javnim nabavkama.

U tački II. Odluke navedeno je da je izabrani ponuđač dužan u zakonski određenom roku dostaviti dokaze koji su traženi tačkom 2.1. tenderske dokumentacije odnosno dokumentaciju iz člana 45. Zakona o javnim nabavkama, a što je izabrani ponuđač propustio učiniti.

Članom 72. stav (3) tačka a) Zakona o javnim nabavkama propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

Uvidom u Izvještaj o toku i završetku e-Aukcije, broj: 11-19/2-11-2-2981/25 od 20.10.2025 godine, Komisija je utvrdila da je u predmetnom postupku drugorangirani ponuđač „AQUA BALKAN“ d.o.o. Konjic, s ponuđenom cijenom 6.870,00 KM bez PDV-a, te je ugovornom organu data preporuka da se za predmetni postupak javne nabavke (LOT 2- alpinistička oprema) ugovor dodijeli ponuđaču „AQUA BALKAN“ d.o.o. Konjic.

Na osnovu preporuke Komisije, donesena je Odluka o izboru najpovoljnijeg ponuđača u postupku javne nabavke „Rekreaciona oprema – ronilačka, alpinistička i skijaška oprema“, za LOT 2 – alpinistička oprema, broj: 11-11-2-2981/25 od 04.12.2025. godine, kojom je ugovor za navedenu nabavku dodijeljen ponuđaču „AQUA BALKAN“ d.o.o. Konjic.


U tački II. Odluke navedeno je da je izabrani ponuđač dužan u zakonski određenom roku dostaviti dokaze koji su traženi tačkom 2.1. tenderske dokumentacije odnosno dokumentaciju iz člana 45. Zakona o javnim nabavkama, a što je izabrani ponuđač propustio učiniti.

S obzirom da zaprimljenih ponuda za predmetni postupak javne nabavke više nije bilo, a primjenom člana 69. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove Odluke.

**V.D. DIREKTOR
(Načelnik SKP-a)
GLAVNI INSPEKTOR**

Enes Zeljković



DOSTAVITI:

- Sektor za finansije i
javne nabavke,
- Ponuđačima;
- a/a.-